

Broj: 01-02.1- 9151 -17/24-IO
Datum: 09.01.2025.godine

Na osnovu člana 100. stav 3. Zakona o javnim nabavkama Bosne i Hercegovine ("Službeni glasnik BiH", broj:39/1,59/22 i 50/24), rješavajući po žalbi broj:22/25 GP: IPSA INSTITUT d.o.o. Sarajevo (vodeći član) i INSTITUT ZA GRAĐEVINARSTVO IG d.o.o. Banja Luka (član GP) (u daljem tekstu:žalitelj) izjavljenu na odluku o dodjeli ugovora za nabavku usluga broj: 01-02.1-9151-8/24 od 27.12.2024.godine u **otvorenom postupku javne nabavke usluga: "Izrada Studija izvodljivosti za projekte:1. Izgradnja ceste Bihać - Bosanska Krupa, i 2. Rekonstrukcija ceste M17.3 Neum -Stolac, dionica Drenovac-Stolac"**, na preporuku Komisije za zaprovođenje postupka javne nabavke, Uprava JP Cesta Federacije BiH d.o.o. Sarajevo d o n o s i

O D L U K U

I

USVAJA SE Žalba izjavljena od strane Grupe ponuđača - GP: IPSA INSTITUT d.o.o. Sarajevo (vodeći član) i INSTITUT ZA GRAĐEVINARSTVO IG d.o.o. Banja Luka (član GP) na Odluku o dodjeli ugovora za javnu nabavku usluga broj: 01-02.1-9151-8/24 od 27.12.2024.godine u postupku javne nabavke **usluga: "Izrada Studija izvodljivosti za projekte:1. Izgradnja ceste Bihać - Bosanska Krupa, i 2. Rekonstrukcija ceste M17.3 Neum -Stolac, dionica Drenovac-Stolac"**, kao osnovana.

II

Stavlja se van snage Odluka o dodjeli ugovora za javnu nabavku usluga broj: 01-02.1-9151-8/24 od 27.12.2024.godine CPK d.o.o. Banja Luka.

III

Ugovor o javnoj nabavci usluga: **"Izrada Studija izvodljivosti za projekte:1. Izgradnja ceste Bihać - Bosanska Krupa, i 2. Rekonstrukcija ceste M17.3 Neum -Stolac, dionica Drenovac-Stolac"** dodjeljuje se ponuđaču čija ponuda je prihvatljiva GP: IPSA INSTITUT d.o.o. Sarajevo (vodeći član) i INSTITUT ZA GRAĐEVINARSTVO IG d.o.o. Banja Luka (član GP) za ponudenu cijenu 247.500,00 KM bez PDV-a.

IV

Izabrana Grupa ponuđača iz tačke III ove odluke je dostavio uz ponudu uvjerenja iz člana 45. stav (2) tačka a), b), c) i d) Zakona o javnim nabavkama.

V

Ova odluka će se objaviti na web stranici JP Ceste Federacije BiH d.o.o. Sarajevo, istovremeno sa upućivanjem ponuđačima koji su učestvovali u postupku javne nabave sukladno članku 70. stavak (6) Zakona o javnim nabavama.

O b r a z l o ž e n j e

Na osnovu odluke o pokretanju postupka javne nabavke usluga " Izrada Studija izvodljivosti za projekte: 1. Izgradnja ceste Bihać - Bosanska Krupa, i 2. Rekonstrukcija ceste M17.3 Neum -Stolac, dionica Drenovac-Stolac" proveden je otvoreni postupak nabavke. Na Portalu javnih nabavki objavljeno Obavještenje o nabavci dana 25.10.2024.godine br. 260-1-2-272-3-413/24.

Izvršeno je prikupljanje, otvaranje, analiza i ocjena ponuda.

Do utvrđenog roka za dostavljanje ponuda 18.11.2024. godine, dostavljene su 2 (dvije) ponude.

R. Br.	Naziv ponuđača	Cijena ponude bez PDV-a, KM	Ponuđeni popust (% ili KM)	Cijena ponude sa popustom (bez PDV-a), KM	Cijena ponude sa popustom (sa PDV-a), KM
1.	GP: IPSA d.o.o. Sarajevo i INSTITUT ZA GRAĐEVINARSTVO IG d.o.o. Banja Luka	250.000,00	1%	247.500,00	289.575,00
2.	CPK d.o.o. Banja Luka	103.500,00			121.095,00

Komisija je u skladu sa Tenderskom dokumentacijom pregledala ponude sa aspekta kompletnosti i kvalificiranosti, te je upućen zahtjev za pojašnjenje neprivredno niske cijene ponuđaču CPK d.o.o. Banja Luka, obzirom da je ponuda navedenog ponuđača za više od 50% niža od ponude ponuđača GP: IPSA d.o.o. Sarajevo i INSTITUT ZA GRAĐEVINARSTVO IG d.o.o. Banja Luka. CPK d.o.o. Banja Luka je dostavio pojašnjenje broj CPK-PO-3975-12/24 od 16.12.2024. godine, koje je pojašnjenje komisija ocijenila kao prihvatljivo.

Pristigle ponude ostalih ponuđača su kompletne i zadovoljavaju kvalifikacione kriterije, te je Komisija nakon analize ponuda formirala konačnu rang listu:

R. Br.	Naziv ponuđača	Cijena ponude bez PDV-a, KM	Ponuđeni popust (%)	Cijena ponude sa popustom (bez PDV-a), KM	Cijena ponude sa popustom (sa PDV-om), KM
1.	CPK d.o.o. Banja Luka	103.500,00			121.095,00
2.	GP: IPSA d.o.o. Sarajevo i INSTITUT ZA GRAĐEVINARSTVO IG d.o.o. Banja Luka	250.000,00	1%	247.500,00	289.575,00

Na temelju naprijed navedenog, Komisija predlaže Upravi da ugovor za nabavku usluga: Izrada Studija izvodljivosti za projekte : 1. Izgradnja ceste Bihać - Bosanska Krupa i 2. Rekonstrukcija ceste M17.3 Neum -Stolac, dionica Drenovac-Stolac, dodjeli ponuđaču **CPK d.o.o. Banja Luka** koji je dostavio ponudu sa najnižom cijenom u iznosu od 103.500,00 KM bez uračunatog PDV-a, odnosno 121.095,00 KM sa PDV-om., te je donijeta Odluka o dodjeli ugovora za javnu nabavku usluga broj: 01-02.1-9151-8/24 od 27.12.2024.godine CPK d.o.o. Banja Luka, kao najpovoljnijem ponuđaču.

Nezdovoljan prednje navedenom odlukom o dodjeli ugovora, GP: IPSA d.o.o. Sarajevo i INSTITUT ZA GRAĐEVINARSTVO IG d.o.o. Banja Luka. CPK d.o.o. Banja Luka u zakonskom roku, izjavljuje žalbu broj:22/25 u kojoj Žalitelj navodi da izabrani ponuđač CPK d.o.o. Banja Luka nije dokazao da ispunjava uslove Ekonomske i finansijske sposobnosti iz tačke 13. Tenderske dokumentacije (u daljem tekstu:TD). Žalitelj u žalbi obrazlaže da je tačkom 13.1. TD-e utvrđeno:

Što se tiče ekonomske i finansijske sposobnosti, u skladu sa članom 47.Zakona, ponuda će biti odbačena ako ponuđač ne ispunji slijedeće minimalne uslove iz člana 47.Zakona a to su:

- **da je ukupan promet koji je ponuđač, bilo samostalno ili kao zajedničko poduzetništvo, ostvario na pružanju usluga izrade studijske dokumentacije (Prethodnih studija izvodljivosti/ Studija izvodljivosti) i projektne dokumentacije za izgradnju/rekonstrukciju/rehabilitaciju cesta u vrijednosti većoj od 450.000,00 KM bez PDV-a u zadnje 3 (tri) godine, od čega je minimalno 250.000,00 KM ostvareno na izradi studijske dokumentacije za izgradnju/ rekonstrukciju/ rehabilitaciju cesta.**

U skladu sa tačkom 13.2. TD:Ocjena ekonomskog i finansijskog stanja ponuđača će se izvršiti na osnovu dostavljene izjave ovjerene od strane ponuđača, koja se dostavlja u formi utvrđenoj Prilogom 5. tenderske dokumentacije:

- izjavu o ukupnom prometu ponuđača (prema prilogu 5a) ostvarenom na pružanju usluga izrade studijske dokumentacije (Prethodnih studija izvodljivosti/ Studija izvodljivosti) i projektne dokumentacije za izgradnju/rekonstrukciju/rehabilitaciju cesta u posljednje 3 (tri) finansijske godine za koje se raspolaze podacima, ili od datuma registracije, odnosno početka poslovanja u predmetnom segmentu, ako je ponuđač registrovan, odnosno počeo sa radom prije manje od tri godine. **Izjava ovjerena od strane nadležnog organa (Prilog 5a) treba da sadrži i detaljne informacije (tačka 2. Izjave) o ugovorima kojim se dokazuje traženi ukupan promet.**

Ugovorni organ nakon ocjene žalbe kao blagovremene, dopuštene, izjavljene od ovlaštenog lica i lica koje ima aktivnu legitimaciju, izvršio je ponovni pregled i ocjenu ponuda, te ustanovio da je na str. 39 ponude CPK d.o.o. Banja Luka (izabrani ponuđač iz osporene odluke) dostavljen Prilog 5a koji u tački 2. sadrži detaljne informacije o svim projektima/ugovorima kojima se dokazuje traženi ukupni promet iz tačke 13.1. TD, te je utvrđeno da su navedena dva projekta: Studija izvodljivosti/ekonomske opravdanosti izgradnje autoputa dužine 17.794 km vrijednosti 372.060,00 KM sa PDV-om i izrada studije ekonomske opravdanosti za izgradnju nove trase magistralnog puta M-20 Gacko-Foča, poddionica Tjentište-Brod na Drini, dužine 11 km, vrijednosti 79.560,00 KM sa PDV-om. Iz dostavljenog Priloga 5a na str. 39 ponude CPK d.o.o. Banja Luka, proizilazi da nije dokazao tražene uslove Ekonomske i finansijske sposobnosti iz tačke 13. TD, obzirom da se **tačkom 13.1. TD zahtjeva ukupan promet vrijednosti utvrđene TD-o, bez PDV-a, a u dostavljenom Prilogu 5a na str. 39 ponude CPK d.o.o. Banja Luka navedene su vrijednosti projekata/ugovora u iznosu 451.620,00 KM sa PDV-om, a što bi bez PDV-a iznosilo 420.006,60 KM, zbog čega je ponuda CPK d.o.o. Banja Luka ocjenjena kao neprihvatljiva jer nije dokazao ukupan promet kako je zahtjevano tačkom 13.1. TD.**

Navedenim projektima dokazuje se ukupan promet.

Komisija je konstatovala da je ponuda drugog ponuđača GP: IPSA d.o.o. Sarajevo i INSTITUT ZA GRAĐEVINARSTVO IG d.o.o. Banja Luka – žalitelja, kompletna, te da zadovoljava kriterije tražene tenderskom dokumentacijom i da je u okviru budžeta.

Na temelju naprijed navedenog, Komisija predlaže Upravi da se ugovor za nabavku usluga: “**Izrada Studija izvodljivosti za projekte:1. Izgradnja ceste Bihać - Bosanska Krupa, i 2. Rekonstrukcija ceste M17.3 Neum -Stolac, dionica Drenovac-Stolac**“ dodjeli se ponuđaču GP: IPSA INSTITUT d.o.o. Sarajevo (vodeći član) i INSTITUT ZA GRAĐEVINARSTVO IG d.o.o. Banja Luka (član GP)

koji je dostavio ponudu sa najnižom cijenom u iznosu od 247.500,00 KM bez PDV-a, odnosno 289.575,00 KM sa PDV-om.

Pravna pouka:

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke.

Žalba se izjavljuje Uredu za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom na adresu ugovornog organa. Žalba se podnosi u najmanje 3 (tri) primjerka.

v.d. direktor:

.....
Ljubo Pravdić, dipl.ing.grad.

Dostaviti:

1. Ponuđačima